

www.BibleForChildren.org



उत्पत्ती ६




नोहानी वंशावळी याप्रकारे नोहा हाऊ
आपला काळना लोकसमा नितीमान
अनं सात्विक मनुष्य व्हता; नोहा
देवनासोबत चाले. देवनी पृथ्वीकडे
दखा, तवय ती भ्रष्ट व्हई जायेल व्हती,
कारण पृथ्वीवरला सगया प्राणीसनी


आपलं चालचलणूक बिघाडी
लेयल व्हती.




मंग देव नोहाले बोलना, सर्वा प्राणीसना नष्ट कराना
विचार मना मनमा येल शे, कारण त्यासनामुये पृथ्वीवर
जाचजुलुम व्हई राहिना शे, देख, मी पृथ्वीनासंगे
त्यासना नाश करसु.



तु आपलाकरता गोफेर लाकुडना तारू कर;
त्या तारूमा खोल्या बनाड्यात अनी त्यासले
मजारतीन अनं बाहेरतीन डांबर लावं.




तारूले या प्रकारेतीन बनाड,
त्यानी लांबी तीनशे हात,
रूंदी पन्नास हात, अनं
उंची तीस हात अश कर.



खावामा येस ते सर्वा प्रकारना अन्न
आपलाजोडे आणीसन त्याना साठा
कर; ते तुले अनं त्यासले खावाले
भेटी.




सर्वा प्राणीसना जातीमाईन नर अनं मादी अश दोन दोननी जोडी
जिवत ज्हावाकरता आपलासंगे तारूमा ली जाय.




सर्वा शुध्द पशुमातीन नरमादी सात सात अनी
अशुध्द पशुपाईन दोन दोन संगे ले अनी
आकाशमाधला पक्षीमातीन नरमादी सात
सात संगे ले; म्हणजेच त्यानामुये
पृथ्वीवर त्यासनं जाती टिकी राही.






काईननं वंशजहाऊ
जलप्रलय जोडे वना म्हणीसन
नोहा त्याना पोऱ्या, बायको अनं
सुनासले लिसन तारूमा गया.





नोहा सहाशे वयना व्हता तवय दुसरा
महिनाना सतरावा दिनले महाजलाशयना
सर्वा झरा फुटनात अनी आकाशना
दार उघडी गयात.






चाळीस दिन अनं चाळीस रात
पाऊसनी झडी लाई.




जलप्रलय व्हईसन पृथ्वीवर पाणी भलतच
वाढनं अनी तारू पाणीना वरला भागवर
तरंगत चालत राहिनं.





पृथ्वीवर पाणीना भलताच जोर व्हयना अनं त्यानामुये आकाशखालना
सर्वा उचा डोंगरं बुडनात. ज्यासना नाकमा जिवनना श्वास व्हता त्या
सर्वा कोरडा जमीनवरला जलप्रलयमा सापडीसन मरी गयात.





मंग परमेश्वरनी देवनी नोहा अनं तारूमा
त्यानासोबत ज्या वनपशु अनी ग्रामपशु व्हतात
या बठासनी आठवन करी. देवनी पृथ्वीवर वारा
सोडा, तवय पाणी ओसरू लागनं.





याले चाळीस दिन लोटावर नोहानी
तारूले जी खिडकी करेल व्हती ती
त्यानी उघाडी. मंग त्यानी जमिन
वरनं पाणी आटनं की नही हाई
दखाकरता त्यानी एक कबुतर
बाहेर सोडं;






त्या कबुतरले पाय टेकाले कोठेच
आधार भेटना नही म्हणीन ते
त्यानाकडे तारूनाजोडे परत वनं;
कारण सर्वीच पृथ्वीना पाठवर अजुन
बी पाणी व्हतं; तवय नोहानी आपला
हात बाहेर काढीसन त्याले धरीसन
आपलाजोडे तारूमा लिधं.



दुसरा महिनाना सत्ताविसावा दिनले जमीन खडखडीत वाळनी.
मंग परमेश्वर देव नोहाले बोलना, "तु तुनी बायको, पोऱ्या
अनं सुना यासले लिसन तारूमाईन बाहेर निंघ."



नंतर नोहानी परमेश्वरकरता एक वेदी बांधी अनी सर्वा शुध्द पशु
अनं सर्वा शुध्द पक्षी
यासमाईन काही लिसन
त्या वेदीवर त्यासनं
होमार्पण करं.





देव बोलना, मनामा
अनी तुमनामा
त्यानाप्रमाणे तुमनासंगे
राहेल सर्वा सजीव
प्राणीसमा पिढ्यानपिढा,
युगानुयुग राहनारा जो करार मी
करी ज्हायनु शे त्यानं हाई चिन्ह शे.

मी ढगमा धनुष्य ठेयल शे,
तो पृथ्वीना अनं मनासोबत
व्हयेल करारना चिन्ह राही.




मी पृथ्वीना वर ढग
पसारसु तवय त्यामा
मेघधनुष्य दखाई,
तवय मनामा अनी तुमनामा
अनं सर्वा देहधारी सजीव
प्राणी यासनामा व्हयेल करार मी
आठवसु, अनी यानापुढे सर्वा


देहधारीसना नाश व्हई
अशा जलप्रलय व्हवावु नही.



मंग देव नोहा अनं त्याना
पोऱ्यासले आशिर्वाद दिसन बोलना,
"फलद्रूप व्हा, बहुगुणित व्हा अनी
पृथ्वी व्यापी टाका."



"नोहाना पोऱ्या तारूमाईन
बाहेर निंघनात त्यासना नावे शेम, हाम अनं
याफेथ अश व्हतात; हाम हाऊ कनानना
बाप व्हता. ह्या तीन नोहाना पोऱ्या;
यासनापाईन पृथ्वीमा लोकसना
विस्तार व्हयना."



देवनी जगवर ईतली प्रिती करी की त्यानी
आपला एकुलता एक पोऱ्या दिधा, याकरता की
जो कोणी त्यानावर ईश्व्वास ठेवस त्याना नाश
व्हणार नही तर त्याले
सार्वकालिक जिवन भेटी.



रोम 3:23 कारण सर्वासिनी पाप करेल शे अनी त्या देवना गौरवपाईन दुर
व्हयेल शेतस.

रोम 6:23 कारण पापना पगार मरण शे, पन आपला प्रभु येशु ख्रिस्त
यानाद्वारा सर्वकाळना जिवन हाई देवना कृपादान शे.

इब्री 9:27 जस मनुष्यले एकदावनं मरणं अनी त्यानानंतर देवकडतीन न्याय
व्हणं नेमी ठेयल शे.

इफिस 2:8,9 कारण कृपातीनचं ईश्व्वासनाद्वारा तुमनं तारण व्हयेल शे अनी
हाई तुमना हातघाई व्हयेल शे अस नही, तर हाई देवनं दान शे; कोणी
बडाई कराले नको म्हणीसन कर्म करीसन हाई व्हयनं नही.

रोम 10:9,10 कारण, येशु प्रभु शे, अस जर तू आपला तोंडतीन कबुल
करशी अनी, देवनी त्याले मरेलस मातीन ऊठाडं असा आपला अंतःकरणमा
ईश्व्वास ठेवशी तर तुनं तारण व्हई. कारण जो अंतःकरणतीन ईश्व्वास ठेवस
तो न्यायी ठरस अनं जो तोंडतीन कबुल करस त्यानं तारण व्हस.



योहान 3:16,17 देवनी जगवर ईतली प्रिती करी की त्यानी आपला एकुलता एक पोऱ्या दिधा, याकरता की जो कोणी त्यानावर ईश्र्वास ठेवस त्याना नाश व्हणार नही तर त्याले सार्वकालिक जिवन भेटी. देवनी पोऱ्याले जगना न्यायनिवाडा कराले नही, तर त्यानाद्वारे जगनं तारण व्हावं म्हणीन धाडेल शे.

1 योहान 5:11-13 ती साक्ष हाईच शे की, देवनी आपले सार्वकालिक जिवन देयल शे अनी हाई जिवन त्याना पोऱ्यामा शे. ज्याले देवना पोऱ्या लाभेल शे त्याले जिवन लाभेल शे; ज्याले देवना पोऱ्या लाभना नही त्याले जिवन लाभना नही. देवना पोऱ्याना नाववर ईश्र्वास ठेवनारा तुमले अनंत जिवन लाभेल शे हाई तुमले समजाले पाहिजे म्हणीसन मी हाई तुमले लिखी ऱ्हायनु शे.



उत्पत्ती 6 – 10

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Ahirani Bible (ahr) © The Word for the World International
and Ahirani Christi Iswari Mandli, Sakri, Dhule, Maharashtra
2025

<https://www.bible.com/en-GB/bible/2776/GEN.1.All25>

©2026 Bible for Children, Inc.

www.M1914.org

www.bibleforchildren.org

